



Poštovani gospodine/gospodo,

Tužilaštvo Međunarodnog krivičnog suda za bivšu Jugoslaviju (MKSJ) u saradnji s *Outreach* programom MKSJ-a sa zadovoljstvom objavljuje konkurs za likovne radove studenata univerziteta s područja bivše Jugoslavije. Tužilaštvo poziva studente da dostave svoje likovne interpretacije i zamisli na temu pravde i pozivanja na odgovornost u kontekstu seksualnog nasilja počinjenog u ratu. Odabrani radovi naći će se u predstojećoj publikaciji i/ili će biti izloženi na promociji knjige u kojoj će biti predstavljena iskustva Tužilaštva u krivičnom gonjenju za zločine seksualnog nasilja počinjene tokom sukoba na području bivše Jugoslavije. Konkretno, u ovoj knjizi će biti predstavljen osvrt na dostignuća i izazove s kojima se Tužilaštvo suočava, te na ono što je naučeno tokom istraga i krivičnog gonjenja za zločine seksualnog nasilja pred MKSJ-om.

Ova knjiga je rezultat šireg procesa dokumentovanja naslijeđa Tužilaštva koje se sprovodi ocjenjivanjem iskustava stečenih tokom istraga i krivičnog gonjenja za teške zločine počinjene tokom sukoba na području bivše Jugoslavije. Osim što pruža jedinstvenu perspektivu iz ugla Tužilaštva na prepreke na koje je Tužilaštvo nailazilo u određivanju prioriteta, vođenju istraga i krivičnog gonjenja za zločine seksualnog nasilja, ova knjiga će takođe pružiti konkretne preporuke za istrage i krivična gonjenja za zločine seksualnog nasilja u budućnosti, na nacionalnom i međunarodnom nivou.

Bili bismo vam zahvalni ako biste obavijestili svoje studente o ovom konkursu, čije su pojedinosti i modaliteti sadržani u aneksu ovog pisma. Unaprijed zahvaljujemo na podršci. Ukoliko su vam potrebne dodatne informacije, molimo da se bez oklijevanja obratite na dole navedene brojeve telefona Kancelarije MKSJ-a u Sarajevu.

Srdačan pozdrav,


for Serge Brammertz
tužilac

